



Broj: 05-02-3-160/16
Sarajevo, 11.4.2016. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIJELAZnica: 12-04-2016			
Organ za izdavanje jedinita	Klasifikacija oznaka	Razred broj	Broj priloga
01-	02-1-	79/16	

B

PARLAMENTARNA SKUPŠTINA BiH
- Zastupnički dom -
- Dom naroda -

SARAJEVO

PREDMET: Mišljenje na Prijedlog zakona o izmjeni i dopunama
Zakona o Vijeću ministara Bosne i Hercegovine

Vijeće ministara Bosne i Hercegovine, na 49. sjednici održanoj 21.3.2016. godine, utvrdilo je Mišljenje na Prijedlog zakona o izmjeni i dopunama Zakona o Vijeću ministara Bosne i Hercegovine, čiji je predlagatelj Povjerenstvo za ravnopravnost spolova Zastupničkog doma, te zaključilo da se isto uputi Parlamentarnoj skupštini Bosne i Hercegovine.

U svezi s navedenim, u privitku dostavljamo Mišljenje na Prijedlog zakona o izmjeni i dopunama Zakona o Vijeću ministara Bosne i Hercegovine.

S poštovanjem,

GENERALNI TAJNIK
Zvonimir Kuleša

BOSNA I HERCEGOVINA

VIJEĆE MINISTARA

PREDMET: Mišljenje o Prijedlogu zakona o izmjeni i dopunama Zakona o Vijeću ministara Bosne i Hercegovine - dostavlja se

Generalni sekretarijat Vijeća ministara Bosne i Hercegovine je aktom broj: 05-07-1-873-8/16 od 22.3.2016. godine obavijestilo Ministarstvo pravde Bosne i Hercegovine i Ministarstvo za ljudska prava i izbjeglice Bosne i Hercegovine da je Vijeće ministara Bosne i Hercegovine na svojoj 49. sjednici, održanoj 21.3.2016. godine, utvrdilo mišljenje o Prijedlogu zakona o izmjenama i dopunama Zakona o Vijeću ministara Bosne i Hercegovine, čiji je podnosilac Komisija za ravnopravnost spolova Predstavničkog doma Parlamentarne skupštine Bosne i Hercegovine, da su Ministarstvo pravde Bosne i Hercegovine i Ministarstvo za ljudska prava i izbjeglice Bosne i Hercegovine zaduženi da pripreme i Vijeću ministara, u skladu s prijedlozima prihvaćenim u raspravi, dostave objedinjeno mišljenje o Prijedlogu zakona o izmjenama i dopunama Zakona o Vijeću ministara Bosne i Hercegovine, nakon čega će se objedinjeno mišljenje dostaviti Parlamentarnoj skupštini Bosne i Hercegovine.

Postupajući u skladu sa zaključkom Vijeća ministara Bosne i Hercegovine sa 49. sjednice, održane 21.3.2016. godine, a u skladu sa članom 73. stav (2) Poslovnika o radu Vijeća ministara Bosne i Hercegovine („Službeni glasnik BiH“, broj 22/03), Ministarstvo pravde Bosne i Hercegovine i Ministarstvo za ljudska prava i izbjeglice Bosne i Hercegovine na tekst Prijedloga zakona dostavljaju objedinjeno

MIŠLJENJE

O PRIJEDLOGU ZAKONA O IZMJENI I DOPUNAMA ZAKONA O VIJEĆU MINISTARA BOSNE I HERCEGOVINE

Shodno članu 73. stav (2) Poslovnika o radu Vijeća ministara Bosne i Hercegovine, u odnosu na podneseni prijedlog zakona, Ministarstvo pravde Bosne i Hercegovine i Ministarstvo za ljudska prava i izbjeglice Bosne i Hercegovine daju mišljenje u pogledu:

- Opravdanosti Prijedloga zakona:

- Ocjenom razloga za donošenje, koji su navedeni u obrazloženju Prijedloga zakona, Ministarstvo pravde i Ministarstvo za ljudska prava i izbjeglice isti smatraju **opravdanim**, posebno imajući u vidu da se ovim prijedlogom zakona vrši usklađivanje odredaba važećeg Zakona o Vijeću ministara Bosne i Hercegovine („Službeni glasnik BiH“, br.30/03, 42/03, 81/06, 76/07, 81/07, 94/07 i 24/08) s odredbom člana 20. Zakona o ravnopravnosti spolova u Bosni i Hercegovini („Službeni glasnik BiH“, broj 32/10, prečišćeni tekst), kao i da su Prijedlogom zakona utvrđeni dodatni instrumenti kojim se osigurava dosljedno poštivanje osnovnih ljudskih prava i sloboda, kao i princip ravnopravnosti spolova.

- Predlažemo da se odredba člana 3. stav (2) Prijedloga zakona, kojim se dopunjuje odredba člana 6. i dodaje novi stav (4), osnovnog teksta Zakona briše, iz razloga što predloženu odredbu smatramo suvišnom, jer predlagač za sastav Vijeća ministara je obavezan da dosljedno primjenjuje propise, pa i gore predloženu odredbu, ukoliko ista bude usvojena u parlamentarnoj proceduri, a Predstavnički dom Parlamentarne skupštine Bosne i Hercegovine je dužan, postupajući u okviru Ustavom utvrđenih nadležnosti, prilikom potvrđivanja imenovanja Vijeća ministara voditi računa da li je pravilno primijenjen propis kojim se osigurava ravnopravna zastupljenost spolova od najmanje 40% osoba istog spola.

- Usklađenosti s planom rada i politikom Vijeća ministara Bosne i Hercegovine:

Nakon izvršenog uvida u usvojeni Plan i program rada Vijeća ministara Bosne i Hercegovine za 2016. godinu, utvrđeno je da Ministarstvo pravde Bosne i Hercegovine, shodno ovlaštenjima propisanim zakonom, u okviru svojih zakonodavnih aktivnosti, kao ovlašteni obrađivač Zakona o Vijeću ministara Bosne i Hercegovine nije predvidjelo izmjene i dopune ovog zakona u 2016. godini, iz kog razloga ovo ministarstvo u konkretnom slučaju ne može iznijeti svoj stav u pogledu usklađenosti Prijedloga zakona s planom rada i politikom Vijeća ministara Bosne i Hercegovine.

-Finansijskim sredstvima potrebnim za Implementaciju Prijedloga zakona:

Također, i u ovom segmentu Ministarstvo pravde Bosne i Hercegovine i Ministarstvo za ljudska prava i izbjeglice Bosne i Hercegovine, shodno ovlaštenjima propisanim zakonom, nisu nadležni za davanje mišljenja u pogledu finansijskih sredstava potrebnih za implementaciju dostavljenog prijedloga zakona.

Postupajući u okviru svojih nadležnosti, Ministarstvo pravde Bosne i Hercegovine ukazuje na činjenicu da dostavljeno obrazloženje Prijedloga zakona ne sadrži sve elemente obrazloženja propisane članom 60. Jedinstvenih pravila za izradu pravnih propisa u institucijama Bosne i Hercegovine („Službeni glasnik BiH“, br. 11/05, 58/14 i 60/14), odnosno da je u konkretnoj situaciji obrazloženje predloženih rješenja sadržano u odjeljku II, koji nosi naziv RAZLOZI ZA DONOŠENJE ZAKONA, a da obrazloženje uopće ne sadrži izjašnjenje o usklađenosti propisa s evropskim zakonodavstvom, kao ni izjašnjenje o opisu konsultacija vođenih u procesu izrade propisa.